


9 30 1 2 3 4 5 6 7 8 9 40 1 2 3 4 5 6 7 8 9 50 1 2 3 4 5 6 7 8 9

口 9
3325
3

輔諸編

三



9
3825
3

輔諸編卷之三

去五味均平藏

南總

宇惠子迪

東都 岡故完伯固

校

貞觀五年李百藥爲太子右庶子時太子承乾頗留意典墳然開讌之後嬉戲過度百藥作贊道賦以諷焉其詞曰下臣則聞先聖之格言嘗覽載籍之遺貝伊天地之玄造洎皇王之建國曰人紀與人綱資立言與立德履之則率性成道違之則罔念作忒望興廢如從鈞視吉凶如糾繩至乃受圖膺錄握鏡君臨因萬物之恩化以百姓而爲心體大儀之潛運閎往

古於來今盡爲善於乙夜惜勤勞於寸陰故能釋層
冰於瀚海變寒谷於蹄林總人靈以胥悅極穹壤而
懷音赫矣聖唐大哉靈命時維太始運鍾上聖天縱
皇儲固本居正機悟宏遠神姿凝映顧三善而必弘
祇四德而爲行每趨庭而聞禮常問寢而資敬奉聖
訓以周旋誕天文之明命邁觀喬而望梓卽元龜與
明鏡百大道云革禮教斯起以正君臣以篤父子君
臣之禮父子之親盡情義以兼極諒弘道之在人豈
夏啓與周誦亦丹朱與商均旣雕且琢溫故知新惟
忠與敬曰孝與仁則可以下光四海上燭三辰昔三

王之教子兼四時以齒學將交發於中外乃先之以
禮樂樂以移風易俗禮以安上化人非有悅於鍾鼓
將宣志以和神寧有懷於玉帛將克己而庇躬生於
深宮之中處於群后之上未深思於王業不自珍於
已鬯謂富貴之自然恃崇高以矜尚必恣驕狠動愆
禮讓輕師傅而慢禮儀狎姦諂而縱淫放前星之耀
遽隱少陽之道斯諒雖天下之爲家蹈夷險之非一
或以才而見升或見譏而受黜足以自省厥休咎
觀其得失請粗略而陳之顙披文以相質在宗周之
積德乃執契而膺期賴昌發而作貳啓七百之鴻基

逮扶蘇之副秦非有虧於聞望以長嫡之隆重監偏
師於亭障始禍則金以寒離厥妖則火不炎上既樹
置之違道見宗祀之遄喪伊漢氏之長世固明兩之
遞作高惑戚而寵趙以天下而爲謔惠結皓而因良
致羽翼於寥廓景有慙於鄧子成從理之淫虐終生
患於強吳由發怒於爭博徹居儲兩時猶幼沖防衰
年之絕議識亞夫之矜功故能恢弘祖業紹三代之
遺風據開博望其名未融哀時命之奇舛遇讒賊於
江充雖備兵以誅亂竟背義而凶終宣嗣好儒大猷
行聞嗟被允於德教美發言於忠譽始聞道於匡韋

終獲戾於恭顯太孫雜藝雖異定陶馳道不絕抑惟
小善猶見重於通人尚傳芳於前典中興上嗣明章
濟濟俱達時政咸通經禮極至情於敬愛惇友于於
兄弟是以固東海之遺堂因西周之繼體五官在魏
無聞德音或受譏於妲己且自悅於從禽雖才高而
學富竟取累於荒淫暨貽厥於明皇構崇基於三世
得秦帝之奢侈亞漢武之才藝遂驅役於群臣亦無
赦於凋弊中撫寬愛相表多奇重桃符而致惑納鉅
鹿之明規竟能掃江表之氛穢舉要荒而見羈惠處
東朝察其遺跡在聖德其如初實御床之可惜悼愍

懷之云廢遇烈風之吹沙盡性靈之狎藝亦自敗於凶邪安能奉其粢盛承此邦家惟聖上之慈愛訓義方於至道同論政於漢幄脩致戒於京鄙鄙韓子之所賜重經術以爲寶洛政理之美惡亦文身之黼藻庶有擇於愚夫慙乞言於遺老致庶績於咸寧先得入而爲盛帝堯以則哲垂謨文王以多士興詠取之於正人鑑之於靈鏡量其器能審其檢行必宜度機而分職不可違方以從政若其惑於聽受暗於知人則有道者咸屈無用者必伸讒諛競進以求媚玩好不召而自臻直言正諫以忠信而獲罪賣官鬻獄以

貨賄而見親於是虧我王度斂我彝倫九鼎遇姦回而遠逝萬姓望撫我而歸仁蓋造化之至育惟人靈之爲貴獄訟不理有生死之異塗冤結不伸乖陰陽之和氣士之通塞屬之以深文命之脩短懸之於酷吏是故帝堯畫像陳恤隱之言夏禹泣辜盡哀矜之志因取象於大壯乃峻宇而雕牆將瑤臺以瓊室豈畫棟以虹梁或凌雲以遐觀或通天而納涼極醉飽而刑人力命瘞璧而受身殃是以言惜十家之產漢帝以昭儉而垂裕雖成百里之固周文以子來而克昌彼嘉會而禮通重旨酒之爲德至醉歸而受祉在

齊聖而溫克^{キナリ}若其酗^キ以致昏酣^{シラフ}而成^{カハ}心痛殷受^{カハ}與灌夫亦亡家而喪國是以伊尹以酣室而作戒周公以亂邦而貽則咨幽閑之令淑實好述於君子辭玉輦而割愛固班姬之所恥脫簪珥而思愆亦宣姜之爲美乃有禍^{カハ}晉之驪姬喪周之褒姒盡妖妍於圖畫極凶悖於人理傾城傾國思昭示於後王麗質冶容宜永鑒於前史復有蒐狩之禮馳射之場不節^{カハ}之以正義必自致於禽荒匪外形之疲極亦中心而發狂夫高深不懼胥靡之徒韞繅爲娛小豎之事以宗社之崇重持先王之名器與鷹犬而並驅凌艱險而

逸轡馬有銜櫛之理獸駭^{カハ}不存之地猶有覩於獲多獨無情以內愧以小臣之愚鄙忝不貲之恩榮擢無庸於草澤齒陋質於簪纓遇大道行而兩儀泰喜元良盛而萬國貞以監撫之多暇每講論而肅成仰惟神之敏速歎將聖之聰明自禮賢於秋實足歸道於春卿芳年淑景時和氣清華殿邃兮簾幙靜灌木森兮風雲輕華飄香兮動笑日嬌鶯轉兮相哀鳴以物華之繁靡尚絕思於將迎猶允蹈而不倦極耽翫以研精命庸才以載筆謝摛藻於天庭異洞簫之娛侍殊飛蓋之緣情闕雅言以贊德思報恩以輕生敢下

拜而稽首願永樹於風聲奉皇靈之遐壽冠振古之鴻名太宗見而遣使謂百藥曰朕於皇太子處見卿所作賦述古來諸貳事以誠太子甚是典要朕選卿以輔弼太子正爲此事大稱所委但須善始令終耳因賜廄馬一匹綵物三百段貞觀政要論規諫太子

貞觀中太子承乾數虧禮度侈縱日甚太子左庶子于志寧撰諫苑二十卷諷之是時太子右庶子孔頴達每犯顏進諫承乾乳母遂安夫人謂頴達曰太子長成何宜屢得面折對曰蒙國厚恩死無所恨諫諍愈切承乾令撰孝經義疏頴達又因文見意愈廣規

介以勵承乾之意同上

貞觀十三年太子右庶子張玄素以承乾頗以遊畋廢學上書諫曰臣聞皇天無親惟德是輔苟違天道人神同棄然古三驅之禮非欲教殺將爲百姓除害故湯羅一罔天下歸仁今苑內娛獵雖名異遊畋若行之無恒終虧雅度且傳說曰學不師古匪說攸聞然則弘道在於學古學古必資師訓既奉恩詔令孔穎達侍講望數存顧問以補萬一仍博選有名行學士兼朝夕侍奉覽聖人之遺教察既往之行事日知

其所不足，月無忘其所能。此則盡善盡美。夏啓周誦焉足言哉。夫爲人上者，未有不求其善，但以性不勝情，耽惑成亂。耽惑既甚，忠言盡塞。所以臣下苟順君道，漸虧古人。有言勿以小惡而去，小善而不爲。故知禍福之來，皆起於漸。殿下地居儲貳，當須廣樹嘉猷。既有好畋之淫，何以主斯七鬯？慎終如始，猶恐漸衰。始尚不慎，終將安保？承乾不納玄素，又上書諫曰：臣聞稱皇子入學而齒胄者，欲令太子知君臣父子尊卑長幼之道。然君臣之義，父子之親，尊卑之序，長幼之節，用之方寸之內，弘之四海之外者，皆因行以

遠聞。假言以光被伏惟殿下睿質已隆，尚須學文，以飾其表。竊見孔穎達、趙弘智等非惟宿德鴻儒，亦兼達政要。望令數得侍講，開釋物理，覽古論今，增輝睿德。至如騎射畋遊，酣歌妓翫，苟悅耳目，終穢心神，漸染既久，必移情性。古人有言：心爲萬事主動，而無節卽亂。恐殿下敗德之源，在於此矣。承乾覽書愈怒，謂玄素曰：庶子患風狂耶？十四年，太宗知玄素在東宮，頗有進諫擢授銀青榮祿太夫行太子左庶子。時承乾嘗於宮中擊鼓，聲聞于外。玄素叩閣請見，極言切諫，乃出宮內鼓對玄素毀之，遣戶奴伺玄素早朝陰

以馬檮擊之殆至於死是時承乾好榮造亭觀窮極奢侈費用日廣玄素上書諫曰臣以愚蔽竊位兩宮在臣有江海之潤於國無秋毫之益是用必竭愚誠思盡臣節者也伏惟儲君之寄荷戴殊重如其積德不弘何以嗣守成業聖上於殿下親則父子事兼家國所應用物不爲節限恩旨未踰六旬用物已過七萬驕奢之極孰云過此龍樓之下惟聚工匠望苑之內不覩賢良今言孝敬則闕侍膳問堅之禮語恭順則違君父慈訓之方求風聲則無學古好道之實觀舉措則有因緣誅戮之罪宮臣正士未嘗在側羣邪

淫巧昵近深宮愛好者皆遊伎雜色施與者並圖畫雕鏤在外瞻仰已有此失居中隱密寧可勝計哉宣猷禁門不異闌闈朝入暮出惡聲漸遠右庶子趙弘智經明行修當今善士臣每請望數召進與之談論庶廣徽猷令旨反有猜嫌謂臣妄相推引從善如流尚恐不逮飾非拒諫必是招損古人云苦藥利病苦口利行伏願居安思危日慎一日書入承乾大怒遣刺客將加屠害俄屬宮廢同上

貞觀十四年太子詹事于志寧以下太子承乾廣造宮室奢侈過度耽好聲樂上書諫曰臣聞克儉節用實

弘道之源崇侈恣情乃敗德之本是以凌雲槧日戎人於是致譏峻宇雕墻夏書以之作誠昔趙盾匡晉呂望師周或勸之以節財或諫之以厚斂莫不盡忠以佐國竭誠以奉君欲使茂實播於無窮英聲被乎物聽咸著簡策用爲美談且今所居東宮隋日營建覩之者尚譏甚侈見之者猶歎甚華何容於此中更有修造財帛日費土木不停窮斤斧之工極磨礪之妙且丁匠官奴入內比者曾無復監此等或兄犯國章或弟罹王法往來御苑出入禁闈鉗鑒緣其身柂杵在其手監門本防非慮宿衛以備不虞直長旣自

不知千牛又復不見爪牙在外廝役在內所司何以自安臣下豈容無懼又鄭衛之樂古謂淫聲昔朝歌之鄉迴車者墨翟夾谷之會揮劍者孔丘先聖旣以爲非通賢將以爲失頃聞宮內屢有鼓聲太樂伎兒入便不出聞之者股栗言之者心戰往年口敕伏請重尋聖旨殷勤明誠懇切在於殿下不可不思至於微臣不得無懼臣自驅馳宮闈已積歲時犬馬尚解識恩木石猶能知感臣所有管見敢不盡言如鑒以丹誠則臣有生路若責其忤旨則臣是罪人但悅意取容臧孫方以疾疚犯顏逆耳春秋比之藥石伏願

停工巧之作罷久役之人絕鄭衛之音斥群小之輩則三善允備萬國作貞矣承乾覽書不悅十五年承乾以務農之時召駕士等役不許分番入懷怨苦又私引突厥群豎入宮志寧上書諫曰臣聞上天蓋高日月光其德明君至聖輔佐贊其功是以周誦升諸見匡毛畢漢盈居震取資黃綺姬旦抗法於伯禽賈生陳事於文帝咸殷勤於端士皆懇切於正人歷代賢君莫不丁寧於太子者良以地膺上嗣位處諸君善則率土霑其恩惡則海內羅其禍近聞僕寺司馭駕士獸醫始自春初迄茲夏晚常居內役不放分番

或家有尊親闕於溫清或室有幼弱絕於撫養春既廢其耕墾夏又妨其播殖事乖存育恐致怨嗟儻聞天聽後悔何及又突厥達哥支等咸是人面獸心豈得以禮義期不可以仁信待心則未識於忠孝言則莫辯其是非近之有損於英聲昵之無益於盛德引之入閣人皆驚駭豈臣庸識獨用不安殿下必須上副至尊聖情下允黎元本望不可輕微惡而不避無容略小善而不爲理敦杜漸之方須有防萌之術屏退不肖狎近賢良如此則善道日隆德音自遠承乾大怒遣刺客張師正紂于承臺就舍殺之是時丁母

憂起復爲詹事二人潛入其第見志寧寢處苦廬竟不忍而止及承乾敗太宗知其事深勉勞之同上

太子太師一人太傅一人太保一人並從一品漢魏故事

太子太子於二傅執弟子禮皆爲書不曰令太傅於太

不稱臣

太子三師以道德輔教太子者也至於動靜起居言語視聽皆有以師焉

太子少師一人少博一人少保一人並從二品

太子三少掌奉皇太子以觀三師之道德而教諭焉凡三師三少官不必備唯其人無其人則闕之

太子賓客四人正三品

漢書高祖欲廢太子呂氏用張良計致商山四皓以爲賓

太子賓客四人正三品

又孝武帝爲太子立博望苑使通賓客則其義也若又有宴賜諸司長官太子賓客則皆預焉

太子賓客掌侍從規諫贊相禮儀而先後焉

凡皇太子有賓客宴會則爲之上齒

太子詹事府詹事一人正三品

少詹事一人正四品上

太子詹事之職統東宮三寺十率府之政令辨其綱紀而修其職務少詹事爲之貳凡太子立官之典制皆視其事而承受焉

太子左春坊左庶子二人正四品上

左庶子之職掌侍從贊相駁正啓奏監省封題中允

爲之貳。凡皇太子從大祀及朝會，出則版奏外辦，中嚴入則解嚴焉。凡令書下於左春坊，則與中允司議郎等覆啓以畫諾，及覆下以皇太子所畫者留爲按，更寫令書，印署注令諾送詹事府。若皇太子監國事，在尚書者如令書之法。

太子司議郎四人正六品上。

司議郎掌侍從規諫駁正啓奏以佐庶子中允之闕。凡皇太子之出入、朝謁、從享及釋奠於先聖先師講學臨胄撫軍監國之命可傳於史冊者並錄爲記注。若宮坊之內祥瑞災眚及伶官之改變音律新曲調。

宮臣之官長除拜薨卒亦皆記焉。每歲終則送之於史館。

太子左諭德一人正四品下。

太子左贊善大夫五人正五品上。

左諭德掌諭太子以道德也。皇太子朝宮臣則列侍於左階，出入則騎從於正道之左。其內外庶政有可爲規諷者隨事而贊諭焉。

左贊善掌翊贊太子以規諷也。皇太子出入動靜苟非其德義則必陳古以箴焉。

太子右春坊右庶子二人正四品下。

太子中舍人二人正五品上

右庶子之職掌侍從左右獻納啓奏宣傳令言中舍人爲之貳凡皇太子監國於宮內下ス令書太子親畫日ヲ至春坊則右庶子宣傳之中舍人奉之舍人行之

太子右諭德一人正四品下

太子右贊善大夫五人正五品上

右諭德掌如其左皇太子朝宮臣則列ス於右階之下出入則騎於正道之右

右贊善大夫掌如其左凡皇太子朝宮臣則列於右階之下以上並抄唐六典

漢武帝爲太子立博望苑使通賓客晉元康元年愍懷太子初之東宮惠帝詔曰適幼蒙今出正東宮惟賴師傅羣賢之訓其遊處左右宜得正人能相長益者太保衛瓘息庭司空隴西王泰息畧太子太傅楊齊息志太子少師裴楷息憲少傳華廙息恒各道義之門有不肅之訓其令五人更往來與太子習數備賓客也其時雖非官而謂之東宮賓客皆選文義之士以侍儲皇其後無聞唐顯慶元年以兼侍中韓瓊中書令來濟禮部尚書許敬宗左僕射于志寧並爲皇太子賓客遂爲官員定置四人掌調護侍從規諫

凡太子有賓客之事，則爲上齒。蓋取象于四皓也。資位閑重，其流不雜。通典

唐置詹事府以統衆務，置左右二春坊以領諸局。左春坊置左庶子二人，中允二人，司議郎四人，錄事二人，左諭德一人，左贊善大夫五人，崇文館校書郎八人，統六局。六局者司經、宮門、內直、典膳、藥藏、典設也。六局長官惟司經置。洗馬宮門置大夫餘局名冠之。右春坊置右庶子二人，中舍人二人，舍人四人，錄事二人，右諭德一人，右贊善大夫五人，通事舍人八人。兼領內坊因隋制也。內坊置典內二人掌內閣諸事。潛確居類書

唐蔣儼除太子右衛副率時徵隱士田遊巖爲太子洗馬，在宮無所補。儼貽書責曰：「足下負巢由之峻節，傲唐虞之聖主，養煙霞之逸氣，守林壑之遁情。主上屈萬乘之重，申三顧之榮遇，子以商山之客待子，以不臣之禮將輔導儲貳，漸染芝蘭爾。皇太子春秋鼎盛，聖道未周，足下受調護之寄，是可言之私，唯唯而無一談。悠悠以卒年歲，遊巖不能答。」事文類聚外集良緒敏學，豐才道業，夙彰言行，無玷備歷清顯，式昭幹具體溫恭之性，造次不違，守廉退之風，終始若一。

實舊德之明允見通人之老成昔張良以三傑之才始傳儲右史丹資八舍之重方護春宮簡賢任能抑有前事宜膺九德之選用光三善之業

唐李嶠授王方慶左庶子

制

勅元儲者萬國之貞端士者一時之選自匪英傑孰當調護姚元之宋璟等並以賢良方正茂才異等著於天下揚於王庭忠而在公孝以爲政見義難奪立誠不回發揮文教博綜儒術故能生此王國戴于朕躬屬少陽初建承華洞啓使股肱之良宣諭道德雖典厥二柄實務茲官必俟大臣俾兼中庶

蘇頤授姚元之等兼

太子庶子制

臣承慶言伏以殿下國之儲貳主器承祧百姓繫心萬方延首行一事天下所瞻出一言天下所聽動靜不可以不慎進退不可以不思固須數引正人詢謀得失使忠言日聞於耳善事每關於心所爲合度必自知其過如此則正心起邪心息德業日新聲聞彌廣福祿可以長守榮位可以久安若諂諛在側忠良不進意有所向則合詞稱善言未出口則同聲稱美有非莫悟有過莫知便自謂神睿聰明超絕今古驕溢之漸常必由之伏願特留睿情每存規諫聞過必

改見善必行朝夕孜孜常恐不及則邦家是賴天下幸甚進德修業太易垂文說禮敦詩春秋所貴尚書云念終始典于學禮云玉不琢不成器人不學不知道孔子曰吾嘗終日不食終夜不寢以思無益不如學也殿下昔在藩邸耽讀典墳論道觀書匪朝伊夕自升儲貳已歷炎涼侍讀承言稍以稀簡雖睿姿天挺神明生知器業自然非求外獎然更加研勵彌益風猷伏願數召儒生勤修學藝縫紗不離於左右披閱無捨於光陰使日知所未知月聞所未聞凡在匹夫苟能強學猶可以高取名譽坐致簪纓况殿下以

儲后之尊而能留心於學德音之美固無得而稱焉畋獵馳騁敗德之源必須順動不可以盤遊無度至於從禽逐獸絕野馳原駿足雲飛輕弧雷舉當其適意豈憚艱危無險不陵無深不赴忽然奔馬委轡猛獸逸群致驚駭之憂貽顛墜之患雖有所悔如何可及夫以千金之子猶且坐不垂堂况在萬國之貞豈可不思重慎殿下初升儲位養德春闈理宜靜默自居文史爲務不可數遊縱以損德音尚書云內作色荒外作禽荒甘酒嗜音峻宇雕墻有一於此未或不亡伏願詳鑒古今以爲鑒誠殿下駢使之人每於北

門召入如此等色皆是慘利小人緣得供奉祇承自謂別蒙恩幸外則妄爲威福內則專事諂諛巧媚百端以求顏色日爲一事時進一言漸積纖微遂成瑕穎此之浸潤最難覺察特須斥遠屏黜不宜親近左右殿下皇儲國嗣帝子天孫府庫充盈宮室崇麗但使不爲鄙僻不作奢淫凡所營求有司畢備何藉此等別有祇承今南衙官寮皆是縉紳士子或者年舊德博識洽聞或雅望英才修身潔行莫不策名委質奉事殿下自非陪扈法仗不得一奉宸顏豈有僕隸輿臺而可特承恩賜伏願一皆杜絕勿許更至官闈

所見者唯端士正人所聞者唯詩禮典誥則邪孽無由而起咎悔無從而生睿德彌高休聲日遠伏見今年六月三十日令書以崇文館中學士極少令賓客庶子詹事及宮官五品已下各舉所知令出已來日月已久官寮所舉咸已進名迄至于今更無進止殿下敦崇學藝廣訪時英天下四方莫不欣悅文學之士飭躬待問而淹歷時序未有指歸朝廷縉紳咸謂殿下降徒有其聲而無其實私談竊議頗盈衆口但令出惟行理非虛設舉能進善其事不輕一降令書終年寂寞天下英髦誰不解體此乃欲益反損應是更

非伏願與賓客庶子等量宜早爲處分事或不可專
決非須速以聞奏不可淹延致招誹謗今關隴之外
蕃夷冠竊國家將申弔伐大興師旅轉輸給用糜費
日多聖上內恤黎元外憂疆場宵衣旰食惕慮兢懷
殿下在國爲儲君在家爲長子事兼家國何以自寧
至於居處衣服飲食聲樂並請務從省約以助聖上
憂勞不可每事豐華自爲安逸儲副之尊士庶瞻仰
雖宮闈務簡不資每日坐朝至於朔望之辰諸王賓
客咸萃皆欲親承睿旨肅奉宸儀伏見秋冬已來累
月不曾一坐恭己之義竊謂有虧伏覩每至此朝特

臨法仗則殿下無宴安之逸羣僚有趨奉之歡臣聞
體寬裕之德者在乎納諫懷忠貞之極者期於盡節
是知君以不諱昭其美臣以無隱達其誠固君臣之
大義古今之通道伏惟殿下挺軀研幾凝貞毓照處
帝王之元子爲億兆之副君當其冊命之初天下含
齒戴髮童兒牧豎莫不歡忻踴躍抃舞謳歌者以殿
下至德至仁克忠克孝故能上當天意下應人心雖
夏邦建啓周朝立誦不之及也但能行之以道守之
以仁居安慮危在滿防溢一日三省一事九思知稼
穡之艱難省宮苑之遊翫正辭雅誥每關心術奸聲

亂色不留，聰明忠讜者引而親之，便佞者屏而遠之。則可以長主宗鬯。永在國本。照黃離以保元吉。居蒼震而亨利。貞臣出自膠庠。卽參藩邸。微班再易。馳年十^名變。短才弱翰。濫蒙甄獎。書記文章。特受恩寄。洎半嗣登銀榜。復得忝侍銅闈。俯存簪屨之餘。仰攀鱗羽。之末。蕩蕩鴻澤。沾濡不已。區區淺志。答効無階。所以輸罄心源。瀝盡肝血。奉芻蕘之片議。獻狂瞽之一言。庶輕露馳聲。薄滋於少海纖塵。驟影微助。於遙山逆耳。儻申觸鱗甘罪。無任控歎之至。事文類聚遺集韋承慶規正東宮啓韋承慶爲太子司議郎。東宮唐高宗時太子賢。

臣聞書曰：惟上帝不常。作善降之百祥。作不善降之百殃。禍福之來。由人所召。應符影響。可不懼哉。伏惟殿下稟粹重離。摛英若木。道光儲貳。譽表元良。掃凶祲。而邦家以寧。贊寶曆而皇祚方永。凡在羣品。莫不仰賴。語成功則已大矣。論盛業則已崇矣。唯當養德青宮。問安紫極。去惡除本。爲善務滋。納忠讜於正人。杜浮媚於邪徑。遊心經史。引接文儒。覽古今之得失。私進女色。莫非倡蕩穢跡。可知將入宮闈。以爲娛樂。傷教敗禮。豈復是過。及其出入。矜誇恩幸。坊曲之間。

能無漏泄至如榮忝簪笏跡預朝廷稍涉奸私尚爲深累况一國之儲副萬方所瞻奉焉可不自戒且政之興衰皆由化下自上所及若草隨風理在必然不可不慎竊惟後宮命婦員品稍多兼選良人固爲淑麗止足之賞詎假旁求此非殿下之本心直被小人之所誤臣實庸鄙智識無聞濫齒榮班謬參宮相職在規諫冀申裨補若其嘿而自守何以上答聖恩非直尸素之罪人亦當神祇之所譴敢罄愚直以効涓塵伏願悔已往之失知昨非之弊念色荒之誠懲縱敗之言勿近小人毋聽邪說常恐有失兢懼爲心則

睿德被於群方頌聲振於甿俗天垂福祐永保無疆
儻蒙採納幸甚幸甚事文類聚遺集李景伯上東宮
啓李景伯爲太子右庶子東宮
睿宗時玄宗爲太子

臣某等啓臣聞安國家定社稷者武功也經天地緯禮俗者文教也社稷定矣固寧輯於人和禮俗興焉在刊正於儒範順考古道率由舊章故周文王之爲太子也崇禮不倦魏文帝之在春宮也好古無怠博覽史籍激揚令問取高前代垂名不朽伏惟皇太子殿下英睿天縱聖敬日躋神筭密發雄威立斷廓清氛祲用寧家國兆人由是歸德六合所以推功主鬯

青宮固本也，分務紫極觀政也。副羣生之望，作累聖之儲。殿下之於天下，可謂不輕矣。監國理人，可謂至重矣。莫不拭目而視清耳而聽，冀聞異政以裨聖道。臣愚伏願崇太學，簡明師重道尊儒，以養天下之士。今禮經殘缺，學校陵遲，歷代經史率多紕繆，實殿下闡揚之日、刊定之秋。願博採文士，旌求碩學，表正九經，刊考三史，則聖賢遺範粲然可觀。况殿下至性神聰，留情國體，幸以問安之暇，應務之餘，引進文儒，詳觀文典，商略前載，討論得失，降溫顏，開讜議，則政途理體，日以增益，繼業承祧，永垂德美。臣等行業素輕，

藝能寡薄，顧慙端士。叨侍宮闈，日夜祗懼，無以匡輔。區區微誠，願效塵露，輕進芻鄙，庶垂採擇。不審殿手令答曰：經史脫誤，事資判理，自非通儒孰詳大義？待讀等升堂觀奧，能定闕文。今司經崇文，皆有舊籍，敬承來教。卽令考序頃日以來，未暇數對，何嘗少選而忘德音？尋當叙進群英，冀聞餘論，仍令錄留啓本，以代書紳。事文類聚遺集，張說上東宮請講學啓。臣以今月二十一日行從外參，親奉令旨，令臣句當所進書隨了隨進，并語臣云：當今閑暇正好，讀書臣自承殿下之好尚，私心歡喜，不能自勝。伏惟天縱神

武生知睿哲誠時與理會固無待於勤求然自古及今皆重于學至於光輝盛德發揚令問安靜身心保寧家國除此之外更無以加常人讀書擬于爵祿事須精熟乃堪試練殿下居副君之位有絕世之才豈假_益章摘句哉蓋應略知大意而已用功甚少爲利極多伏願克成美志無棄暇日上以慰至尊之心下以答庶僚之望幸甚幸甚侍讀褚無量經明行修在朝罕匹是以皇帝簡擇令侍殿_下謂宜時蒙召問而察其言臣以愚劣忝跡士端區區之誠莫不罄竭事文類聚遺集劉憲上東宮勸學啓

元稹字微之元和元年舉制科對策第一拜左拾遺性明銳遇事輒舉始王叔文王伾蒙幸太子宮而撓國政稹謂宜選正人輔導因獻書曰伏見陛下降明詔修廢學增胄子然而事有先于此歷代名臣奏議同文異曰有國之君議教化者莫不下興廉舉孝設學崇儒爲意曾不知教化之不行自貴者殆畧其貴者教其賤者無乃陷於倒置乎臣敢冒死言之賈誼有言三代之君仁且久者教之然也周成王本中才近管蔡則讒入任周召則善聞豈天聰明哉而克終于道者教也始爲大子也太公爲師周公爲傅召公爲保伯禽唐叔與游目不閱淫豔耳不聞優笑居不近庸邪玩不備

珍異及爲君也血氣既定游習既成雖有放心不能
奪已成之性則彼道德之言固吾所習聞陳之者易
諭焉回安庸違固吾所積懼詔之者易辨焉人之情
莫不耀所能黨所近苟得志必快其所蘊物性亦然
故魚得水而游鳥乘風而翔火得薪而熾夫成王所
蘊道德也所近聖賢也快其蘊則興禮樂朝諸侯措
刑罰教之至也秦則不然滅先王之學黜師保之位
胡亥之生也詩書不得聞聖賢不得近彼趙高刑餘
之人傳之以殘忍戕賊之術日恣睢天下之人未盡
愚而亥不能分馬鹿矣高之威懾天下而亥自幽深

宮矣若秦亡則有以致之也太宗爲太子選知道德
者十八人與之游卽位後雖間宴飲食十八人者皆
在上之失無不言下之情無不達不四年而名高
盛古斯游習之致也貞觀以來保傅皆宰相兼領餘
官亦時重選故馬周恨位高不爲司議卽其驗也母
后臨朝翦棄王室中睿爲太子雖有骨鯁敢言之士
不得在調護保安職及讒言中傷惟樂工剖腹爲證
豈不哀哉比來茲弊尤甚師資保傳不疾廢眊贖卽
休戎罷帥者處之又以僻滯華首之儒備侍直侍讀
越月踰時不得召夫以匹士之愛其子猶求明哲慈

惠之師豈天下元良而反不及乎

事文類聚

集有

有異同曰自文皇帝之在藩邸以至爲太子也選下知道德者十八人與之游習卽位之後雖宴游飲食之間十八人者實在其中上失無不言下情無不達不漸也貞觀以還師傅之官皆宰相兼領其餘宮寮選亦甚重馬周以位高恨不得爲司議郎此其驗也文皇之後漸疎賤之至母后臨朝翦棄王族當中睿二聖勞勤之際雖有骨鯁敢言之士既不得在調護保安之職終不能措扶衛之一詞而令匠胡安金藏剖腹以明之豈不大哀哉兵興以來茲弊尤甚師資保傳之官非疾廢眊贖不任事者爲之卽休戎罷帥不知書者處之至于友諭贊議之徒疎冗散賤之甚者搢紳恥之夫以下匹夫之愛其子者猶求明哲慈惠之師以教之直諒多聞之友以輔之豈天下之元子而可以疾廢眊贖不知名書者爲之師疎冗散賤不適用者爲中之友乎此何反上古之甚也近制宮寮之外往往以沈滯僻老之儒充直講侍讀之選而又疎棄斥遠之越月踰時不得召見彼又安能傳成道德而保

養其躬哉臣以爲高祖至陛下十一聖生而神明長而仁聖以是爲屑屑者故不之省設萬世之後有周成中才生于深宮無保助之教則將不能知喜怒哀樂所自況稼穡艱難半願令皇太子洎諸王齒胄講業行嚴師問道之禮輟禽色之娛資游習之善豈不美哉

唐書元稹傳

唐順宗爲皇太子禮重師傅見輒先拜事文類聚外宗實錄

後唐明宗天成三年張昭遷都官員外郎時皇子竟尚奢侈昭疏諫曰帝王之子長於深宮安於逸樂紛

華之玩絲竹之音日接於耳目不與驕期而驕自至倘非天資英敏識本清明以此蕩心焉能無惑苟不豫爲教道何以置之盤牙臣見先帝時皇子皇弟盡喜無稽玩物之言厭聞致治經邦之論入則務飾姫姜出則廣增僕馬親賓滿座食客盈門箴規者少諧謔者多以此而欲託以主鬯不亦難乎臣請諸皇子各置師傅陛下令皇子屈身師事之講論道德使一日之中止記一事一歲之內所記漸多每月終令師傳具錄聞奏或皇子上謁之時陛下更令侍臣面問十中得五爲益良多博識安危之理深知成敗之由

臣又聞古之人君卽位而封太子拜諸王究其所由蓋有深旨使庶不亂嫡疏不間親禮秩有常邪慝不作近代人君失於此道以至邦家構患釁隙萌生昔隋祖聰明煬帝亦傾楊勇太宗齊聖魏王終覆承乾臣每讀古書深悲其事願於聖代杜此厲階其於貳封宗在臣未敢輕議臣請諸皇子於恩澤賜與之間婚姻省視之際依嫡庶而爲禮秩據親疎而定節文示以等威絕其徼幸保宗之道莫大於斯歷代名臣奏議臣伏見陛下差直史館王陶充皇子伴讀祕閣校理孫思恭充本位說書此誠國家之首務聖哲之遠圖

然臣聞三代令主置師傳保以教其子又置三少與之燕居至於左右前後侍御僕從之人皆選孝悌端良之士逐去邪人毋得在側使之日見正事聞正言然後道明而德成心渝而體安福被兆民功流萬世此教之所以爲益也今陶等爲皇子官屬若不日日得見或見而遽退語言不洽志意不通未嘗與之論經術之精微辨人情之邪正究義理之是非考行己之得失教者止於供職學者止於備理而左右前後侍御僕從或有邪佞讒巧之人雜處其間出入起居朝夕相近誘之以非禮導之以不義納之以諂諛濟

之以詐僞雖皇子資性聰明端慤難移然親近易習積久易遷諂諛易入詐僞易惑如此則雖有碩儒端士爲之師傳終無益也臣聞孟子曰雖有天下易生之物一日暴之十日寒之未有能生者也吾見亦罕矣吾退而寒之者至矣又曰一齊人傳之衆楚人咻之雖日撻而求其齊也不可得矣臣愚伏望陛下多置皇子官屬博選天下有學行之士以充之使每日在皇子位與皇子居處燕遊講讀道義聳善抑惡輔成懿德其左右前後侍御僕從亦皆選小心端慤之人使所屬官司結罪保明然後得入仍專委伴讀官

提舉覺察若有佞邪讒巧之人誘導皇子爲非禮義之事者委伴讀官糾舉施行卽時斥逐不令在側若皇子自有過失再三規誨不從者亦聽以聞如此則必進德修業日就月將善人益親邪人益疎誠天下之幸也大理評事趙彥若孝友溫良謹潔正固博聞強記難進易退國子監直講李寔好學有文修身謹行祕閣校理孟恂清純愷悌終始如一此臣之所知也伏望陛下擇此三人及廣求其比以備皇子官屬臣推心盡忠不敢存形迹僭越妄言伏俟謹謫司馬光乞令皇子伴讀官提舉皇子左右人劄子

治平二年監察御史裏行呂大防上奏略曰元子輔導之職在虞有夔周有周召史佚太顛散宜生閼夭漢則有留侯四皓二疏石奮丙吉韋元成鄧禹桓榮晉則有山濤張華王導賀循皆以元臣巨儒輔正儲貳竊見近除穎王府記室陳薦侍講孫固道義無門學問至淺宜改授別職依舊令置王傳友官擇兩制之臣有道德學問者充其任歷代名臣奏議

輔儲編卷之三

